

編號 6 號

【大黃狗膠烏斑貓】曾菁怡原作

莊下人大體都會畜狗仔來掌屋，畜貓仔來逐老鼠。吾屋下乜共樣，畜等一隻大黃狗膠歸群花喇必駁个貓仔。毋過，狗仔係確確實實畜等，逐餐都同佢兜共下食；貓仔嘅係看厥心情來來去去，有成時飯桌下七、八隻跔等、橫等；有成時淨伸一隻白底烏斑个老貓嫲。

吾屋膠隔壁鄰舍離當遠，照佢細人仔行路个時間差毋多愛半點鐘。佢無恁煞猛行路去尋搞寮伴仔，故所屋下个大黃狗膠烏斑貓就係同佢做伴、搞寮个朋友。

聽阿婆講，大黃狗係阿公用一斤冰糖膠人換轉來畜个，正來該下還係半大細仔个狗子。這隻狗牯仔活跳好搞，逐日就跔等佢扳扳轉。佢同佢比賽走相逐，聽著佢喊：「預備」該下，佢乜知愛伏等；聽著「開始」，佢還正經會飆出去，實在生趣！大黃狗做搞寮伴仔已做得，毋過做保鏢就無及格也。

有一擺，阿婆畜个大火雞走出來，佢兜看著佢兜像看著冤仇人樣仔，烏色个雞毛膨到像圓球仔，面紅濟炸，還「咕嚕咕嚕……」喊無停，緊逼緊近。佢佬著大黃狗會走出去大聲吠，同

該群火雞嚇走。無想著，佢嘅走到尾瀉屎，毋知到哪位去？佢在心肝肚發誓：「下二擺，餅仔絕對無愛分佢食咧！」

烏斑貓對佢有印象開始就生活在吾屋下，用貓仔个年齡來算，厥歲數做得做阿婆哩！烏斑貓个性體已好，毋會搶食，乜無看過佢同別隻貓仔相打。食飽也，佢會尋一個鬆爽个地方啄目睡；睡飽也，就伸一下懶筋、擘一下嘴，摺自家个毛舐淨來，正出去遶寮。莫看佢食得、寮得，其實佢係已顧家个貓嫲。

有一日暗晡，烏斑貓在暗摸胥疏个禾埕噉滾，屋下人聽出這聲無共樣，擎手電筒仔行兼去看，嘅看著烏斑貓在一尾有吾手髀恁粗个飯匙銑骨頂过来。好得有這隻大膽个貓嫲，正無分該尾蛇哥趁入屋肚。

大黃狗膠烏斑貓毋單淨係吾搞寮伴仔，佢兜乜像吾屋下人共樣恁有感情。佢識聽先生講過狗仔、貓仔个壽命無恁人恁長，有成時想著大黃狗膠烏斑貓有一日會先離開，心肝頭酸酸，就像分石頭砣等樣仔，敢講這就係毋盼得个感覺？